

Sþ.

409. Tillaga til þingsályktunar

um ríkisábyrgð á rafveituláni fyrir Akureyrarkaupstað.

Flm.: Sigurður E. Hlíðar.

Alþingi ályktar að heimila ríkisstjórninni að ábyrgjast fyrir hönd ríkissjóðs, gegn þeim tryggingum, sem ríkisstjórnin metur gildar, allt að 2200 þúsund króna lán til greiðslu á eldra erlendu láni, sem tekið var árið 1938 vegna Laxárvirkjunarinnar.

G r e i n a r g e r ð.

Bæjarstjórn Akureyrar hefur á fundi sinum hinn 24. janúar s.l. samþykkt svo-fellda ályktun:

„Bæjarstjórn Akureyrar fer þess á leit við hið háa Alþingi, að það heimili ríkisstjórninni að ábyrgjast fyrir Akureyrarbæ allt að 2200000 kr. lán til greiðslu á láni, sem Akureyrarbær hefur tekið hjá Köbenhavns Handelsbank í Kaupmannahöfn árið 1938 vegna Laxárvirkjunarinnar.“

Ábyrgðarbeiðni þessi er fram komin vegna þess, að bæjarstjórnin hefur samþykkt að greiða upp ofanefnt lán í Köbenhavns Handelsbank og taka til þess lán hjá Landsbanka Íslands að upphæð kr. 2200000.00. Þetta nýja lán endurgreiðist með jöfnum ársgreiðslum vaxta og afborgana á árunum 1947—1966. Vextir verði 4% p.a. Fyrir hinu erlenda láni, sem upp á að greiða í Köbenhavns Handelsbank, er ríkisábyrgð. Var sú ábyrgð veitt með l. nr. 67 31. des. 1937, en er aðeins miðuð við 2 millj. króna lán. Mismunurinn á ábyrgðarupphæðunum mun stafa af gengismismun dönsku krónunnar nú og þá.